

Rapport dalla sessiun dil cussegl da vischnaunca dils 24-08-2026

Tractanda 1

Approbaziun dil protocol dalla sessiun dils 04-05-2026

Il protocol dalla sessiun dils 4 da matg 2026 vegn approbaus cun engraziament.

Tractanda 2

Revisiun parziala dil reglament per far diever dallas vias d'uaul cun vehichels a motor

Naven dalla proxima primavera vul la suprastanza communal possibilitar da pagar digitalmein lubientschas dil di per carrar sin vias d'uaul. Per saver porscher da retrer las cartas a moda digitala vegn proponiu en questa revisiun parziala dil regulativ d'alzar il prezi per la carta dil di naven da frs. 7.- sin frs. 10.-.

Ulteriuramein duei la via Alp da Schlans vegnir aschuntada en artechel 2 *excepziuns dil scamond da carrar*.

Cun 13 : 0 vuschs approbescha il cussegl da vischnaunca la revisiun parziala dil reglament per far diever dallas vias d'uaul cun vehichels a motor.

Tractanda 3

Revisiun parziala dil reglament da schulda e castitgs dil corp da pumpiers Sumvitg-Trun

67 personas prestan actualmein survetsch activ el corp da pumpiers Sumvitg-Trun. Il corp da pumpiers ha miserias da recrutar avunda persunal, oravontut manca persunal da cader (officiers e meinagruppas). La cumissiun da fiug e la suprastanza communal proponan en quella revisiun dil reglament divers alzaments dallas indemnizaziuns dils pumpiers.

Il cussegl da vischnaunca approbescha cun 13 : 0 vuschs la revisiun parziala dil reglament da schulda e castitgs dil corp da pumpiers Sumvitg-Trun.

Tractanda 4

Damonda da credit per sustegn d'abonnements da sport

La suprastanza communal vul promover la sanadad d'affons e giuvenils cun sustegn finanziaal per far sport. En fuorma d'in project da pilot duei vegnir introduciu in sistem da bons.

Actualmein ein 161 affons da nossa vischnaunca en la vegliadetgna denter 0 e 18 onns. Ils cuosts annuals per la vischnaunca vegnan schazegiai sin frs. 30'000.-.

Il cussegl da vischnaunca conceda cun 13 : 0 vuschs il credit da frs. 30'000.- ad onn per sustegn d'abonnements da sport per affons e giuvenils.

Tractanda 5

Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegl da vischnaunca

Il president
Wendelin Decurtins

Per la suprastonza communal

Il president
Dumeni Tomaschett